



Opuscula



Opuscula



U M B R Æ <sup>(17)</sup>  
S E P U L C H R A L E S,

præclaris in Ecclesia DEI Meritis.

*Perillustriſtis olim & Admodum Reverendi Domini,*

D. FRANCISCI  
LESNIOVIC,

Proto-Notarij Apostolici, Præpositi,  
& Officialis perpetui Pileccensis, Sanieccensis,

D I S C U S S Æ;

*ac cum*

in Ecclesia S. MICHAELIS pijs ejus Manib9

Iusta parentalia persolverentur,

*A*

M. SEBASTIANO TORTOWSKI,  
Philosophiæ Doctore, Collega Minore, Curato  
Opatovecensi, Historiographo Regio,

ad memoriam posteritatis,

lugubri Elogio

I L L U S T R A T Æ.

Anno Domini 1711. Die 24. Martij.



CRACOVIAE, Typis UNIVERSITATIS.



# ELOGIUM LVGBRE.

**N**Vnc novi ingenium fatorum!  
sciunt, quos sub umbras rapiant.

Cæca Numina,  
summopere delectat, si nos post lucem,  
cæcas cum ipsis noctes ducamus.

Quare diu nolunt soles indulgere mortalibus,  
rapiunt sub umbras, si quæ lamina habemus,  
involvunt cineribus, si gemmas:  
premunt lapide, si pretia.

Et cum procul à nobis relegent,  
quæ ludibria miseræ mortalitatis!

uno tantum lapide à nobis distinguunt.

O longum iter in tam brevi spatio!

Vnum Marmor vide?

quantam faciat distantiam!

Sed illud magnopere movet hominum indignationem,  
quod extinctos mortales, inspergant cineribus,  
& sæpe ne scintillam quidem relinquunt memoriæ!

Faciamus licet ingentem apparatus,  
discussuri noctes & umbras sepulchrales.

Ponamus longo ordine lumina,  
& ne umbram quidem virtutum:  
nihil tot ignes efficient.

Fumum tantum relinquent,  
quo inumbrata illustris memoria,  
noctem in suo lumine inveniat.

O bene egit, vel cum fatorum invidia,  
qui ad tenebras mortis amovendas,

illu-



illustria in vita conquiſivit opera.

Vmbras in Vmbris non ſentiet.

Eſſi noctem dormiet,  
circumſtabunt factorum lumina, quæ tenebras arceant.

Vives, quod Tuis meritis vovemus,  
virtutum Tuarum luminibus.

*Perilluſtris olim & Admodum Reverende Domine,*

**D. FRANCISCUS  
LESNIOVIC,**

Proto-Notarie Apoſtolice,

Præpoſite, Officialis perpetue Pilecenſis, Saniecenſis.

Totum Te impendiſti in operum præclarorum exercitia.

Sic totam poſteritatem Tui memoriâ exercebis.

Te omnes anni loquentur,

Tuis vocales & animati meritis.

Colent Te poſteri;

tanquam Cultorem optimum probitatis.

Imò impius eſſet, quicunq; Tuæ gnarus pietatis,  
nollet erga Te pium ſenſum piamq; habere memoriam.

Impreſſiſti adhuc juvenis arenis Academicis,  
veſtigia tam virtutum, quàm literarum.

Excidiſti ex Parnaſſi Iagellonici Sylvis fatidicis,  
trophæa ſcientiæ Tuæ;

pro qua Tu victoria laureatus,

ſub umbra Corymbi clariſſimè demonſtrâſti,

ex Philoſophicis difficultatibus,  
triumphans ingenium.

Quodſi Auſonius redivivus foret,

aut Svetonius poſt XII. Cæſarum vitas,

Grammaticis celebrandis impenderent operam.

Tu quoq; impleres laboribus Tuis hanc claſſem,  
celebris in Novodvorſciano Collegio,

parvæ, ſed ad ſtigia ſcientiarum artis ordinatæ.

His in arena noſtra exercitus curis,



sanctioribus dedicatâ opera functionibus,  
Auspicio Cygni TRZEBICIANI evocatus,  
ad Ecclesiastica indulgentissimè munera  
Præpositum Irzedzensem egit.

**Totus impensus pietati,**  
dum aras exornaret, & Superos ditaret,  
Superum curâ honoribus majoribus, ornatus effulsit.

Sic caelestium honores dum pij curamus,  
caelestium etiam favoribus abundè ditamur.  
Nemo indonatus abiit, licet parva sparsit Divis munera.

Pensant hi magis animum, quàm donorum fulgorem?  
atque ingentes opes cum puro animo Cælo impendimus,  
cum ingenti fanore, speremus redituras ad nos opes.

Sic ille ab Irzedzensi Præpositura,  
ad Pilecensem Collegiatam Præpositus & Officialis;

*Illustrissimi & Excellentissimi Domini,*

**D. STANISLAI in Warszycę WARSZYCKI,**

Castellani Cracoviensis gratiâ promotus:  
visus est collegisse titulos pro expensis in Superos divitijs.  
Verum ampliores, in ampliori honore, nactus arenam,  
non sterilem fecit beneficijs.

Depluebat in Divos aurò, quod mirum! de terris:  
& ostendit habere tellurem aureos imbres;  
modo homines velint serena fronte pluere.

Nam non placet Divis, si de tristi frontis nube,  
in suas aras & Tempia defluunt beneficia;  
Volunt rores nostros, sed à sereno manantes animo.  
Corrumpis beneficia si nubem illis obducis.

Quàm prompto animo illustria beneficia;  
duodecem, formæ eximæ & magnitudinis imposuit candelabris.

O nunquam casuras in hoc Nomen Umbras!  
tâquam Stellis duodecem, prælucentibus sibi Cereis.

Cælum si dicas Aras Pilecenses?  
habebis duodecem signa Zodiaci illustria,  
in duodecem candelabris.

Series



Series tota seculorum huic militabit,  
in Confraternitate S. IOSEPHI fundata.  
Quot nexus erunt fraternæ sub Divo pietatis,  
tot nodi, ad detinendum hoc Nomen,  
in memoria posteritatis.

**Florebit Rosis Rosarij Mariani:**

nihil hyemes æternis nocebunt floribus,  
nihil Aquilo, nihil Eurus.

Sub Sole Mariano, nesciunt hi flores brumam.

Quò sidus **MARIA** prospicit;  
ibi rident nives, & Aquilones Favonios induunt.  
Non sunt maligna sidera circa **MARIAM**,  
premit enim triumphali calce,  
omnium Caput malorum Serpentem.

Quam lucem sperare potestis,  
profusa in **MARIAM** beneficia?

Tota illa amicta Sole, nec in se,  
nec in suis, patitur tenebras.

Meridies est, umbram non habet:  
nisi sub Pedibus, quia Meridies est.

Circa ipsam fulgentia mortalium munera;  
semper rectò percutiuntur radiò.

Sic nos merè frustra faciei paginæ,  
induximus umbras:

cùm omnia opera lux ambiat:  
nisi illustres dixissemus, cæcutiremus in luce.  
**En è Claro Monte, tanquam de Libano,**

**Lumen in polo nostro,**  
in toto Orbe, miraculis illustrissimum venit?

Sat illud est sua luce coruscum,  
sat gratijs splendidissimum,

At ut lucem adderet luci,  
perpetuam lampadem suspendit,

**MARIÆ Soli amictæ.**

Viderat nempe deesse in terris sidera **MARIÆ**;  
sic appendit ante **MARIAM** lucens astrum.



Et quia nunquam extinguendum est lumen Virgineum,  
perpetua voluit esse sua lumina.

Affixa in Divi Pauli Eremita,  
umbras non sentient, lucus enim ibi est,  
non tenebris, at luce virtutum obsitus.

Vtinam de victrici Ala MICHAELIS penna detur!  
sola posset bene describere beneficia?  
vel alijs, vel sub hoc Duce, in terris,  
militantibus concessa Triarijs.

Hujus Ducis sub tutelam, & scutum,  
non tantum deposuit liberalitatem,  
verum, quod intimum habuit, Corpus.

Debit munificentiam illustris Manus,  
intra illius Templi Manes locari:  
testis apud posteritatem suae pietatis.

In libra MICHAELIS examinata beneficia  
non caelum erubescunt, non terras.

Et praeter corpus dedit animam  
quod vovemus, Duci Angelico,  
& (ut pie creditur) Iudici Animarum, ad Examen.  
Praeterea candidam Magnae Terebiae Manum,  
semper habebit suae memoriae militantem,  
eo candore, quo & in moribus,  
& in veste liliata eminet.

Timere non potest, ne umbris involvatur,  
vigilat, qui arceat tenebras, ignitus Eliae Gladius.

Inter Carmeli stellas, non dantur noctes.

Quae vero cura Vestalium erit,  
sub Divo IOSEPHO castos ignes servantium:  
ut sui Mecanatis beneficia,  
oblivionis non inducantur noctibus.

Solis radij fulgent in auro,  
tam debent conservari bene, & accurate,  
quam si a Sole ignis acceptus foveatur.

Stabunt certe illustra  
Saxis impressa, in muro erecta.

Quot



Quot scintillas duri tenent silices;  
 tot erunt immortalis memoriæ flammæ.  
 O illa non extinguenda gloria!  
 nam tædis pronubis illustrata.  
 Sæpe egenæ conjugia traxerunt,  
 in eodem vitæ nexu sociam egestatem.  
 Ut, fortè Alexandri gladiò non solvendus nodus,  
 faciliùs solveretur, Plutum pro Vulcano submittebat.  
 Erant certè felicia consortia,  
 cùm vitæ sociam haberent fortunam,  
 hac Manu sibi colligatam.  
 Non delitescet, in angulo Poloniæ, Kety,  
 Pauperi FRANCISCO data liberalitas.  
 Minores Reformatorum Patres, ferent sub astra,  
 notâ Orbi, coramq; cælo illustri pietatè.  
 Crescent in hoc gradu beneficia;  
 maximaq; reputabuntur apud Minores.  
 Quàm bene providistis Superi! quòd aliquando,  
 dives sit à Francisco, pauper FRANCISCVS.  
 Dicam quod sentio:  
 nullum perdidit diem, donavit liberalitatè.  
 Inveniet qui recensabit beneficia:  
 nos cuiq; reliquimus additionem.  
 Subtraxit quidem multùm arcana liberalitas,  
 cælum tantummodo ad calculum vocando.  
 Strinxit orbe suo FASCIA MALACHOVIANA  
 effusam hanc in Templâ, in Divos pietatem.  
 Gaudebat & Tuò judiciò PRINCEPS CELSISSIME.  
 Videbatur ad mentem Superùm agere, cùm ad Tuam  
 Satis est, cùm CAPVT LVBIENIVM annuit!  
 Condidit sibi manu in Cælo divitias:  
 quibus nunc accedit ornamentum à ROSIS.  
 Erige è sepulcho Caput? sertum erit;  
 nam circa tumulum Flores sparguntur?  
 Vobis claræ Pilecensis Collegiatæ Patres;  
 enim amoris sui ignibus tradit lampada?



Non extinguetur in cineribus,  
si vos amoris addetis flammam sopitis.

Qui fulgor in pagina à Sceptris!

*Magnifici Perillustri & Reverendissimi Domini,*

**D. M. PETRI PRACZLEWIC,**

S. Th: Doctoris, CANONICI, Cath: Crac: DECANI Pileci RECTORIS Univ:  
vellem (sed poteritne Magnificencia Nominis  
tam arctis teneri terminis) laudare.

Satis erunt illustres Vmbra Sepulchrales,  
hoc sibi lumine apposito.

Ardebit amoris ignibus Vmbra hæc

*Perillustri & Admodum Reverendi Domini,*

**D. CASIMIRI DOBRAKOWSKI,**

Præpositi & Officialis perpetui Pilecensis Sadecensis.

Succenderunt beneficia, Honorum lumina;  
nec poterit extingui in grata memoria,  
qui accendit diem titulorum.

Succede voverimus in nomina, Duce virtute,

veni ad famam præcurrentibus meritis.

ad annos & secula, cæli favoribus.

Diem dices umbris, si nomen hoc violabunt.

*Clarissime ac Consultissime Domine,*

**D. ADALBERTE KRZYZANSKI,**

Regens Cancellariæ Cracoviensis.

Tu nempe sumpto à Protonotario Apostolico, calamo

fidem facies posteritati Notarius Apostolicus:

nunquam posse, in Divos effusa beneficia, latere.

O Tu! qui sidera das pro meritis,

pro pietate radios, & stellatas coronas:

indulge, ut in lucē beatitudinis fulgeat;

cujus virtutes, merita, pietatem, liberalitatem;

hac mortalitatis umbrâ depinximus.





ti  
e,  
M  
o-  
m  
o  
es  
er  
ne  
a-  
ut


10  
c-

y.  
 ii.  
 c.



卷之四







22000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



